



Arubaanse Courant

Aña 26.

DIASABRA 27 JUNI 1964

No. 5069.

Apertura di LANDSKANTOOR: EDIFICIO GOBERNAMENTAL MAS MODERNO DI HENTER ANTILLAS

ORANJESTAD, 27 juni. - Dia promer di mei 1962 a cuminsa cu e construccion di e edificio den Boerhaavestraat cual a resulta di ta e edificio di gobierno di Antillas di mas moderno na e momento aki. Durante dos anja largo firma Petrona & Croes a traha ariba e lugar y por a entrega esaki dia promer di Mei ultimo na gobierno. E suma pa cual e construccion di e edificio a worde contrata tabata 1.736.000 florin.

Durante anjan largo e oficina di gobierno central na Aruba, tabata dividi over di Oranjestad. Un aki, un aja, tur un di otro, tin blaha den acomodacion menos agradable. Especialmente si nos recorda e trankan calor di postpakketten e postkantoor mucho chikito, cualnan no unicamente tabata menos conveniente y agradable pa usnan cu ta traha aden, pero tambe pa e publico cu hopi blaha tin di para na gran cantidad den un edificio calor y chikito den necesidad di centralisa e oficina y di hasi esakinan den un edificio moderno a worde mira como un medidanan a worde tuma pa realisa esaki. Senjor Verheus di Rijksgebouwendienst na Den Haag a hanja e encargo pa proyecta e plan pa e oficina central na Aruba.

Despues di aprobacion di e plan pa e edificio moderno cual segun contract lo a costa 1.736.000,- florin, na luna di Mei a firma e contratista Petrona & Croes a cuminsa cu e construccion. E construccion tabata bao di e supervision di senjor G. van Galen, ambtenaar tecnico di D.O.W. mientras cu e construccion es tabata bao di gja di senjor A. Croes, asisti pa senjor A. van Opstal, tur dos di Petrona & Croes. E trabao diario tabata en man di senjor Every, tambe di Petrona & Croes. Despues di a lamta e skelet completo di e edificio na Juli 1963 e dak di e edificio por a worde basha, completando asina e promer fase principal di e construccion. Poco despues a cuminsa rapidamente e lamtamento di e murayanan, benimento di floer, porta, benimento cualnan a worde entrega na Technica Antilliana. Mientras tanto Gebroeders Van Swaay tabata instalando e coneccion necesario pa corriente y pa e alcocentral. Firma K. Loonstra tabata instala tubonan di awa y ora cu e beton di e daknan seca y apoba, nan a pone e proteccionan pa cubri e daknan. Despues di pleistermento di e edificio a sigui e verfmento, tur esaki haci pa Petrona & Croes completando e edificio su interior y exterior CEMPRO N.V. E ponon stupi special di beton allanti di e edificio. Despues di e edificio tabata limpia y drecha, e promer servicio cu a presenta tabata, Radio y Telegraaf dienst na luna di Maart ultimo,

beton y a usa 210.000 kilo di hero. Instala 96.000 pida di piedra di beton. Fuera di esey a worde poni den e edificio, 19.000 mosaico di vloer, como 30.000 mosaico di asbester, 11.000 mosaico pa trapu, 740 meter cuadro di mosaico di beton pa adorno, 69.000 mosaico pa muraya, 1020 meter cuadro di glas, 135 bentana cu por worde bolta, 171 porta, 748 postbox. Di e edi-

FATUM

Pa tur bo aseguronan
Tel. 1845.

ficio, postkantoor y postpakketten tin e espacio di mas grandi, henter e piso abao y un gran parti di e promer piso ariba cual ta worde comparti cu Inspeccion di Enseyanza, cushina y lugar di come.

E di tres piso ta worde comparti den tres oficina pa ministronan, departamento di financia, di Accounting, di kadaster, Educacion y Cultura, y un sala pa reunion.

Tras di e edificio tin un garage pa e autonan di postkantoor postpakketten y un lugar pa drechamento di esakinan.

E edificio ta worde aireacondiciona pa un alreo central cu ta instala den un deposito bao di e edificio. Cada oficina por regla e frialdad manera cu ta worde desea.

Esaki completando e estilo y capacidad moderno di henter e oficina central aki, cual awe oficialmente lo worde habri. Na e apertura lo ta presente e.o. Gobernador N. Debrot y hopi mas autoridadnan di nos isla y Antillas. En combinacion

(sigui lesa pag.5)

TOPA CU BO

AMIGONAN DEN
CHI - KOE - CHA
Coffee-shop


esta basta promer cu e edificio a worde entrega oficialmente door di e contratista na e gobierno. Despues cu e oficina completo a worde entrega, e diferente servicionan plama den Oranjestad, a muda pa Boerhaavestraat, y hopi hende a pasa for di calor y lugar chikito, pa officinanan aireacondiciona y espacioso.

Durante e trabao na e edificio aki, un promedio di mas o menos ochenta persona a traha durante dos anja ariba. Nan a basha como 21.000 meter cubico di

BISANOS

E motibo pakiko mi ta haya "Arubaanse Courant" un diario asina bon, pasobra loke ta ser publica ta penetra ariba condicionnan social, y loke ta pasa tur dia. Y tambe e ta presenta noticia en-breve for di tur continente.

Edwina Stroop,
J.M. 136 A - S.N.



Oficina central di Gobierno di Antillas na Aruba probablemente e edificio gubernamental di mas moderno na e momento aki, Ariba e portret na robez, e edificio majoor

den cual ta estableci, postkantoor, postpakketten, accountant, financien, inspeccion di enseyanza, kadaster, etc. Na drechi ta Radio en Telegraafdienst.

HAVE A REAL CIGARETTE

HAVE A

CAMEL



ARUBA'S FAVOURITE
CIGARETTE

Destajo pa extension di Emmaschool

ORANJESTAD, 27 juni. - Ayera mainta a tuma lugar na oficina di D.O.W. e destajo publico pa extension di Emma BLO school na Oranjestad. E ofertanan tabata como lo siguiente:

Marcial G. Tromp	Fl. 70.590,-
Isidro Lopez	Fl. 72.200,-
Petrona & Croes	75.950,-
Bohama Aruba	81.950,-
Phoenix Bouwbedrijf	77.675,-
Futura N.V.	75.928,-
Bouwmaatschappij	73.090,-

E contract a keda pendiente.

PPA ta desea 40 ora di trabao pa obretonan di gobierno

ORANJESTAD, 27 juni. - Dia 25 di juni ultimo, esta diahuebs tres miembro di e fraccion di PPA den Eilandsraad di Aruba, senjornan E.R. Finck (lider di fraccion) Marcial De Cuba - (miembro di e trio di directiva di PPA), y senjor Jose Geerman a dirigi nan mes cu un carta na e presidente interino di Eilandsraad. Den esey nan ta propone pa studia con leu ta posibel pa duna e obretonan den servicio di gobierno tambe cuarenta ora di trabao pa siman.

Ne proposicion aki ta e resultado di e contracto colectivo di trabao cual ultimamente a keda aregla entre Lago y IOWUA, y cual di promer di oktober venidero lo cuminsa traha. Y tambe e decision di Sheli pa entrante januari otro anja duna su empleadonan cuarenta ora di trabao pa siman. "Door di e mehoracion aki den aregionan social pa un grupo grandi di trahadornan na Antillas a worde cumpli

EXAMEN MULO-A

ORANJESTAD, 27 juni. - For di e binti candidatonan cu ayera a pasa nan examen di Mulo A na Bonaire Club, en total ocho tabata tin mucho mal resultado pa bin den consideracion pa diploma.

Esakinan ta E. Solognier, Bernard Hernandez, Oldwin J. E. Yanes, Teodosia M. Egberechts Juan C. Boekhoudt, Federico M. Gomez, Gregorio Wolff, Gisela L. Hintz, Yolanda Y. Volkerts, Nadya F. Arends, Maria L. Henriquez, Rubia M. Maduro. E mihor di e candidatanan tabata Oldwin Yanez.

Encuentro entre A.R.A. y comisario di polis

ORANJESTAD, 27 juni. - Ayera atardi a tuma lugar na oficina di comisario di polis De C. de Jager na Oranjestad, un encuentro entre e comisario y directiva di Aruba Racing Association. E encuentro aki a worde pidi door di directiva di A.R.A. pa nan bolbe splica nan punto di bista na e hefe di polis, con nan ta mira e situacion actual di pusamento clandestino ariba boulevard y kiko nan ta pensa cu por worde haci pa nan hanja un pista oficial y legal pa organisa e caredanan aki. E encuentro aki tabata mas un reunion di informacion for di parti di Aruba Association. Mescos cu anteriormente e comisario a laga sabi cu e tin comprendemento pa e situacion y cu e ta priminti di haci loke e por pa yuda A.R.A. cu nan plannan.

Reunion general di I.O.W.U.A.

ORANJESTAD, 27 juni. - Na Club Bonerfano na San Nicolas lo cuminsa awe tardi pa seis or un reunion general pae miembronan di Independent Oil Workers Union of Aruba. Den e reunion aki cual ta especialmente pa informa e miembronan di e union tocante di e contract colectivo nobo cu lo worde cera cu Lago. E miembronan tin di duna nan aprobacion na ne, pa esaki por worde firma. Un contract colectivo pa e tres anjanan venidero.

Ehucucion na Turquia

ANKARA? 27 Juni. - Segun rumornan, cu ta circulando na Ankara, ex-coronel Talat Aydemir y ex-mayoor Fethi Gurcan, dos principal lidernan di e Golpe di estado di 20 pa 21 di mei 1963 cu a fracasa, a worde ehecuta en secreto den e prison den sercania di Ankara unda nan tabata detene.

na un deseo cu basta tempo caba ta existi entre tur e obretonan, tambe pafor di empresanan menciona", segun e escritor nan kendenan ta sigul bisa: "Ta pesel cu nos fraccion ta di opinion di dirigi su mes na bo cu e peticion di hiba esaki den e direccion cu e BC di Aruba lo studia e posibilidad pa stipula e mes un reglamento pa obretonan y trahadornan den servicio di gobierno di Aruba. E fraccion pues ta di opinion cu ta di suma importancia cu pa e grupo aki tambe e cuarenta ora di trabao lo worde poni dentro di corto tempo".

Encuentro di ministro Kroon y pa naderonan

ORANJESTAD, 27 juni. - Diahuebs atardi algun donjonan di panaderianan na Aruba tabatin un combersacion informativo cu ministro C. Kroon tocante di e desaroyonan encunto e situacion den e mundo di panaderia na Aruba. Especialmente nan a combersa tocante di e cierto leynan cual segun e union di panaderonan, esta Sindicato Nacional di Panaderonan, lo no ta adecuado mas pa nan. Nan a propone pa cambia e leynan aki. Segun nos a worde informa nada a worde dicidi na e combersacion aki pero cu unicamente e tabata un combersacion informativo entre e donjonan di panaderianan y e ministro.

Directiva nobo pa "Deportivo"

ORANJESTAD, 27 juni. - Den un reunion general teni diahuebs anochi den clubhuis di Racing Club Aruba (R.C.A.) sportvereniging "Deportivo" a eligi un directiva nobo pa anja 1964/1965 cual a keda compone di siguiente manera.

Como presidente a keda reeligi senjor Titi Davelaar, mientras e diferente puestonan lo worde reparti den proximo reunion di directiva entre e siguiente personanan: Damian Tromp, Karl Dirksz, P. Koolman, Freddy Baptist, A. (Indio) Comienencia, y H. Del Prado.

Tambe nan a nombra un comision pa caha di e organisacion cual ta consisti di senjornan Elio Tromp, Feddy Baptist y P. Koolman.

J. Schenk campeon riba sabel

ORANJESTAD, 27 juni. - Diarazon anochi a tuma lugar den Eagle Club na Oranjestad e finale pa e concurso valido pa e campeonato di sabel na Aruba. E concurso a worde organisa pa e club di Schermen, Beau Geste.

E copa di campeon a worde gana door di senjor J. Schenk despues di un barrage cu senjor R. Pruim. Senjor Pruim a sali di dos y senjor Dr. E. van der Kuip a sali numero tres. E ultimo dosnan a ricibi un medalla.

Dos derrota pa Estrella

(Di Nos Redactor Deportivo)
ORANJESTAD, 27 juni. - Tanto e team di junior di Estrella como esun masculino clase B a sufri diarazon anochi un derrota riba e cancha di basketball di Aruba Jrs na Socotero.

R.C.A. Jrs a supera Estrella Jrs cu score di 30 pa 18, den partido caminda E. Herde tabata e mihor scorer cu total di 12 punto.

Pa Estrella a resulta mihor anotador F. Croes cu 6 punto. Esaki ta victoria number cinco pa e muchanan di R.C.A. cu ta marcha fuertemente na cabes di

Optico
certificado

Optica Moderna



Optico
certificado

SPRITZER + FUHRMANN

Oranjestad — San Nicolas

NEW SPARKLE NEW LOOK FOR YOUR CAR!



Di un rasca chikito te na un dalmento grandi, cualkier cos cu ta falta body di bo auto, nos ta drechele pa bo, y rapido! Bishita nos pronto, laga nos duna bo auto su "shine" di nobo!



SERVICE

J. Flannegin
Nassastraat 168
tel. 1987.

Cumpra bo tairanan

Continental

awor y laga nos
monta nan
GRATIS pa bo.

Tur tamanjo na existencia.
E. & G. MARTIJN
(ARUBA) N.V.

Havenstraat 10-12
tel. 1492 - 1493

e division ey. Nan no a perde ningun wega te ainda. Den e division masculino clase B tabata

TERITORIO INSULAR DI ARUBA

Ontvanger di Teritorio Insular di Aruba ta participa pa esnan cu no a paga nan abono di telefoon di luna di juni 1964, cu aanmaning lo ser poni na post dia 29 di juni 1964 y cu for di dia 1 di juli 1964 lo cuminza cobra gastonan di aanmaning pa e luna menciona.

TA BENDE Set di sala completo cu su lampi.

ACUDI NA: BEAU-
JONSTRAAT 12, -
OF JAMA TEL.
2077 (DESPUES DI
5' OR.)

TA BENDE

Nevera,
wash-machine automatico,
Aire-acondicionador,
Set di sala,
Set di comedor,
Set di kamber,
Wieg (oud Holl.),
Lessenaar cu stoel.

Acudi na:
M. Merx, Schubertstraat 12,
Tel. 1417.

e Mariniernan kendenan a gana Estrella B. E wega aki a caba cu score di 22 pa 18. E conocido G. Verhale tabata e mihor anotador cu 9 punto, mientras cu A. Croes tabata e mihor di Estrella cu 8 punto. Den nuebe wega hunga Estrella tin awor dos gana y shete perdi.

Mariniernan tin den nuebe wega

TA BENDE

WASHMACHIEN --
AUTOMATICO,
"NORGE" DOS AN-
JA BJEEUW, PERO
BON CUIDA. PA -
SOLAMENTE F.275,
NEVERA G.E. PA
F. 250,--

Acudi na: W.K. Batterij 1.



Materialnan di construccion di
calidad y na prijs atractiva e-
sey ta solamente na

PETRONA & CROES (ARUBA) N.V.

hunga cuatro gana y cinco perdi.
Awe nochi tin unicamente un
wega y ta esun di division mas-
culino clase B entre Y.M.C.A.
y R.C.A.

Rein Laan a duna splicacion tocante CCT

MACNUTT DI LAGO: "UN CONTRACTO DI CUAL UNION POR TA ORGULLOSO"

ORANJESTAD, 27 Juni. - Den e sala di conferencia di Aruba Caribbean Hotel Casino e intermediador di gobierno diahuebs atardi a duna un conferencia di prensa, na unda el a duna un relato di e deliberacionan entre Lago y IOWUA, y tambe di e mehoracionnan di mas importante den e contracto colectivo di trabao nobo, locual a keda cla ariba e anochi di diarazon pa diahuebs. Tur hende tabata satisfecho cu e resultado, hasta cerca e delegacion di Lago, cu via di senyor G.L. Mac Nutt a declara: E ta un bon contract, di cual e union por ta orgulloso". Senyor ministro Ciro D.R.Kroon, kende tambe tabata presente tabata contento cu trankilidad di trabao a bolbe worde segura pa tres aña na Aruba. Pa Antillas, cu como pais hoben den desaroyo y cu ta haciendo tur nan posibilidad pa atrae industrianan nobo, esaki ta di suma importancia.

E conferencia di prensa cual a worde asisti fuera di senjornan Kroon, Laan y Mac Nutt, tabata tambe presente e deputado di Aruba F.J. Tromp, e presidente di Lago W.A. Murray, senyor J.E. Huggey di Lago Industrial Relations Department, presidente Frans Lodewijk Maduro di e union, su secretario general Leoncio Albus, e miembro di directiva di IOWUA, Pedro Brook y senyor H. Weber, secretario di e intermediador. E presidente di e delegacion di Lago senyor F.W. Switzer no por a asisti na e conferencia di prensa como e malnta promer el a sali pa Estados Unidos, caminda e dia siguiente su jiu muher a sera enlase matrimonial.

Senyor Laan a splica con dia 27 di mei el a yega Antillas pa intermedia den e conflicto entre e union y

Lago, sin tabata sabi algo di e isla, su poblacion y e relacionnan di obrero. Su yegada tabata net poco

despues cu union un welga general sigui inmediatamente pa un periodo di cooling off poni door di gobierno. Aunque cu diez dia di e tempo di "Fria" a pasa ora cu el a yega senyor Laan a bai orienta su mes extensamente promer. Despues durante diez dia el a papia cu cada partida aparti. Esaki a resulta den cu union den promer siman di juni a dicidi, pa pone su resto di deseonan y exihencianan cu a resta ariba papel, y regrupar esakinan. Ariba e serie di dese-


nan aki e directiva di Lagodiacho di juni a duna un reaccion completa, cual despues a bira e base, pa sigui cu e negociacionnan For di dia 15 te dia 22 tur dia partida tabata negocia fuertemente cu otro, den un espirito di honradez y dignidad pa logra pa yega na un acuerdo pa un CCT nobo mas mihor y mas conveniente. Bon atmosfera di e deliberacionnan aki tabata algo cu a impresionar senyor Laan masha. Ora cu diarazon anochi e partidonan a reuni atrobe. E deliberacionnan a tuma un inventario di e resultado e di e deliberacionnan te na momento ey. Mas o menos banda di mei anochi for di e trinta problemanan cu no a worde resolve na yega di senyor Laan na Aruba, tabatin dos cu a resta ainda. e cuarenta ora di trabou pa siman y e di shift differential. Ora cu e directiva di Lago poco despues di mei anochi a drenta e sala di reunion atrobe, e asunto tabata aregla: E deseo di union pa un cuarenta ora di trabou a worde aproba y esaki lo drenta na vigor dia promer di oktober 1964. Di otro banda e shift differential a worde calcula pa 32 cent locual tabata menos cu IOWUA a pidi y aki tabata senyor Maduro y su coleganan kende mester a sera cabez y descuti e asunto, accepta of no accepta, locual nan a dicidi di accepta.

Segun senyor Laan su opinion e trancamento di e deliberacionnan y e amenaza di huelga medio mei tabata nada otro cu e resultado di cambio di situacionnan di trabou di cual ni Lago ni IOWUA tabata custumbra na ne. E union independiente tabata algo basta nobo na Aruba y e afiliacion di Standard Oil, E cosnan aki y hopi mas tabata motibonan cu tabatin un esfera yen di tencion entre Union y Lago. Senyor Laan mesora cu el a descubri esaki, a cuminsa traha ariba e problema pa duna e partidonan comprendemento pa e punto di bista di cada uno. Tumando na consideracion e manera cu e deliberacionnan a tuma lugar despues, e ta hanja cu su esfuerso tabatin exito. Gracias na e comprendemento cu a sigui existi segun senyor Laan, mitar di e problemanan cu el a hanja a worde resolve sin dificultad, mientras cu e otro mitar mester a worde kita for di caminda, na unda cada partida a muestra comprendemento pakiko nan no por worde resolvi.

MEHORACION

Senyor Laan despues a menciona algun mehoracionnan den e contract nobo. En cuestion cu esaki na promer lugar el a anuncia, e oferta di Lago pa e victimanan di lay-off pa nan por haci uso di bai busca trabao na Hulanda, cu cual e compania no unicamente lo percursa en eventualmente pa educacion especial di ofishi, pero alavez lo yuda paga e gastonan di e biaha pa Hulanda.

Senyor Schindeler di Lago kende no mucho tempo pasa a bolbe for di Hulanda tabatin bon noticia, segun senyor Laan. For di e palabranan di e medlador e impresion por a worde hanja cu e personanan di Aruba interesa pa bai traha na Hulanda no unicamente lo por hanja trabao na cierto industrianan cu senyor Schindeler a bishita pero tambe cu nan lo hanja casnan pa huur. Esaki tin di tuma nota di dje como cu na Hulanda casnan ta masha scars. Manera cu e situacion ta na e momento aki un comite especial lo worde forma cu lo trata cu e asunto aki. Den e comite aki lo tin representantenan di IOWUA y di Lago. Senyor Mario de Cuba lo representa IOWUA den e comite. Senyor Laan a bisa algo cuenta di



CALIDAD
SABROSO
LIBBY'S

QUALITY
DELICIOUS
LIBBY'S

N.V. WINKEL'S
HANDEL MIJ.

150 trabao cu ya lo ta desponibel na Hulanda.


Punto di e deseo di e union cu no a worde accepta segun senyor Laan a bisa ta e exihencia pa cada uno cu ta bai cal abao di e contract mester bira miembro di e union. Tambe e pago pa lay-off a worde mehora. Y e ta worde paga segun anja den servicio. Segun senyor Laan esaki tabata un gran mehoracion Tambe empleadonan cu hanja accidente of muri na trabao ta hanja mihor pago pa nan familia ta hanje. Pero esaki e influencia di e tanto anja den servicio lo no hunga un rol. E cuestion di pension y su pago lo worde studia door di un comision special den cual pa banda di IOWUA tin puesto senyor Maduro y Brook. Ora cu e reglamento worde aproba pa tur dos partida e ta cuminsa traha entrante promer di juli venidero. E asunto di hospital pa empleadonan y familia tambe a keda aregla na un manera favorable y durante e contracto di tres anja.

Si Lago kier haci algo mas cu e hospital anto e empleadonan y familia lo hanja recompensa bastante pa tratamiento otro caminda. Tambe pa studia problemanan di e hospital un comision special a keda forma. IOWUA tabata di acuerdo cu e ta tene e prijs ariba mercado stabilisa. Si durante e contract Lago dicidi pa sera of bende comisario e compania tin di delibera cu IOWUA promer tocante esaki, y despues duna IOWUA nubes luna di tempo si nan kier cumpre of tume over. E cuarenta ora di siman tabata algo cu e directiva di Lago na promer instancia no tabata mucho di acuerdo cu ne, pero parse cu despues di e aprobacion door di e directiva di Shell pa su empleadonan hanja cuarenta ora Lago a dicidi esaki tambe

Senyor Frans Lodewijk Maduro, e hoben presidente di IOWUA (sigui lesa pag.6)

Vier Azen Fiesta

Hier is Pan Am's Nieuwe Package Tour in het Caribisch gebied!



Belastingvrij winkelen... Casino's... Exotische keuken... Nachtclubs in Amerikaanse stijl... Jagen... Vissen Een Fiesta!

Uw vacantie omvat:

- Retour per Jet in Economy klasse vanaf Aruba
- 8 dagen in werkelijk luxe hotels
- Vervoer luchthaven - hotel - luchthaven
- Excursies in alle plaatsen
- Ontbijt en diners in Puerto Rico en Curaçao

Alles inclusief prijs, per persoon (in tweepersoons kamer): F.406,40!




Vraag de gratis folder met alle details bij Uw reisbureau of bij S.E.L. Maduro and Sons Inc.



's Werelds meest ervaren luchtvaartmaatschappij

S.E.L. MADURO & SONS - Generaal Agent
Curaçao - Aruba - Bonaire

NOS TA CONTENTO DI TA CONSTRUCTORNAN DI E EDIFICIO NECHI Y MODERNO AKI



HENTER COMUNIDAD POR TA ORGULLOSO CU NAN LANDSKANTOOR NOBO. MASHA PABIEN! PETRONA & CROES (ARUBA)N.V.

K. LOONSTRA

TOMATENSTRAAT - TEL. 1575

ta felicita e
comunidad cu
e landskantoor
nobo

Instalacion di
plomeria y
tambe
cubrimiento di
dak tabata na
nos encargo.



Landskantoor nobo

TA OTRO PUNTO MARCANTE DI PROGRESO DI ARUBA



Pa nos ta un placer di por a entrega e

POSTBOX-NAN.

MARIO S. ARENDS N.V.

Masha pabien

- Realizacion di
landskantoor nobo,
atrobe ta prueba
di e progreso
rapido di nos
isla Aruba



DIA CINCO DI JULI PROME TIRO RIBA SHOOTING RANGE

ORANJESTAD, 27 juni. - E trabaonan ariba e Shooting Range di senjor Carlos Kelkboom ta yegando na e fase final. Pronto segun ta worde spera, dentro di mas o menos un siman, e promer bala di scopet lo worde tira ariba un clay bird ariba e Shooting Range na Palm Beach.

Manera nos a scribi anteriormente caba, senjor Kelkboom un gran practicador di tiramento di scopet ariba Clay Birds (parhanan di kiel) cualnan ta worde tira den laira pa un aparato special, alaga construi na Palm Beach, parti pariba di e boulevard, den becindario di "De Olde Molen" un pista special pa practica e deporte aki. Esaki como un atraccion special pa turistanan y tambe habitantenan di Aruba cu ta interesa den practica e deporte aki, cual ta masha conoci na Aruba.

E terreno ariba cual e tiramento aki lo tuma lugar tin tur clase di margen y indicacionan pa seguridad pa practicanan di e deporte y esnan cu por pasa den becindario.

Na e momento aki e ultimo man ta worde poni ariba e construccion di e trap house y pronto Elmar lo instala e corriente necesario pa e lugar aki. E

traphouse ta e lugar den cual e trap gun cu ta tira e parhanan di kiel ta worde instala. Tur esaki segun senjor Carlos Kelkboom a informa nos probablemente si no bin dificultad improvisa lo ta cla dentro di diez dia. Di manera cu ta casi sigur cu dia cinco di juli venidero e promer tiro ariba e shooting range di senjor Kelkboom lo worde tira oficialmente.

Italia ta coloca pa futbol na Tokio

POZNAN 27 Juni. - Italia a cologa su mes awe pa e torneo olimpico di futbol na Tokio doo di gana tambe e segunda partido di cualificacion contra Polonia. E partido ey a wordo hunga awe nochi na Poznan en presencia di 40.000 espectador. E italianonan a gana cu score 1-0. Gracias na un anotacion di shete minuut di e partido for di un tiru liber. E bala a drenta gol despues cu el a desvia na pluma di un defensor Polaco. E Italianonan a hunga un partido sumamente defensivo pa protega su ventaha di 3-0 cu nan a saca e wegá anterior.

Sierbeton pa e piso dilanti di

LANDSKANTOOR

un producto di

GEMPRO

* E ADRES PA TUR CLASE DI:

BLOKKI, SIERBETON Etc.

L.G. SMITH BLVD. - TEL. 2444



Record di crimen

ALBANY, 27 Juni. - Un cantidad di 19,885 arestonan pa delitonan serio a worde haci den prome cuartal di e anja aki den estado New York na Merca. E cifra aki ta un record. Mas di ochenta por ciento di esey ta bai pa cuenta di e ciudad New York unda 45 por ciento di poblacion di e estado ta biba. E cantidad di arestonan tabata mas di 15 por ciento cu ta di e tercer cuartal di aña pasa.

COMUNIDAD ARUBANO POR TA ORGULLOSO CU SU LANDSKANTOOR NOBO, CU TA OTRO SIMBOLO DI PROGRESO DI E ISLA.

Kusters Trading Company

Agente pa:


Roneo Stencil machines y Hermes Typewriters

ANTILLIAANSE MIJ. GEBR. VAN SWAAY

a percura tambe pa e AIRCONDITIONING

N.V.

y pa e INSTALACION ELECTRICO completo di e centraal landskantoor



Agente pa Antillas Neerlandes di:



PA AIRECONDITIONING Y REFRIGERATION

Fergusonstraat 41 - Tel. 1878 - 3141

Nos a entrega hopi di e materialnan

pa e **LANDSKANTOOR**

por ehemplo : Tuimelraam kozijn di teakhout - portanandi garashi-mosaicos di asbest vinyl etc.



TECHNICA ANTILLANA N.V.

L.G. Smith Blvd.

- tel. 2444

PROGRAMA APERTURA DI LANDSKANTOOR

1. Presentacion di tamboerskorps di marinerskamp Savaneta bao gida di tamboers - maitre korporaal Herminez.
2. Padvindernan ta hisa bandera
3. Discurso gezaghebber interino I.S. De Cuba.
4. Descubrimiento di borcu cu number door di gezaghebber interino di Aruba.
5. Tamboers di marinerskamp na Savaneta ta defile dilanti gobernador y huespednan oficial.

6. Discurso di S.E. Ministro J.R. L. Beaujon.
7. Discurso di S.E. mr. N. Debrot gobernador di Antillas.
8. Apertura oficial di e landskantoor pa gobernador.
9. Presentacion di tamboers di marinerskamp Savaneta.
10. Presentacion di "Mariachi Perla di Aruba."

E ceremonia ta cuminsa pa cinco di atardi.

landskantoor

(continuacion di pag.1)

cu e apertura di e edificio, cual tambe tin un esfera especial cu e matanan di kwihl, bakinan di flor etc. lo hanja especial cu e matanan di kwihl, bakinan di flor etc. lo hanja su number awe tardi.

Torneo relampago di volley femenino

(Di Nos Redactor Deportivo) ORANJESTAD, 27 juni. - Pa majan cuminzando for di 10'or di mainta, directiva di Atuba Volleyball Association, a organisa un torneo eliminatorio entre 7 equipo femenino. Tur e partidonan lo worde hunga den e sala di gymnastiek di St. Antonio College na Sta. Cruz.

nius College na Sta. Cruz.

E programa ta lo siguiente: 10'or Brazil contra Volley Stars (ganador A), 11'or Valiant contra di La Fama (gan.B.); 12'or Connie Francis contra di Volley Red Stars (ganador C); 1'or Fanny Shop contra ganador A (gan.D) 2'or ganador B contra ganador C (ganador E); 3'or ganador D contra ganador E pa campeon y subcampeon di e torneo. Lo no tin waiting time. Equiponan mester entrega formulario cu nombnan serca e scorer oficial 15 minuut promer cu ora di nan weg.

Un club cu no ta completo na e ora stipula ta perde pa default. Protest lo no worde accepta y e clubnan mester ta na uniform. E intencion di e torneo aki ta stimula e deporte di volleyball den e districto di Sta. Cruz.



Na luna di Juli 1963 e dak pa e oficina central di gobierno a worde basha. Esaki tabata terminacion di e promer fase principal di e construccion di e edificio. E portret ariba ta duna nos un bista di e trabou importante aki. Awor despues di dos anja completo di trabou e edificio completo ta cla y tur servicio, cual anteriormente tabata plama den Oranjestad, ta centralisa den e edificio moderno, (Foto abou), cual awe tardi lo worde inaugura oficialmente.



Tsjombe a jega Leopoldstad

LEOPOLDSTAD 27 Juni. - Moise Tsjombe, e ex-president di Katanga, cu algun tempo pasa a separa su mes di sobra di Kongo, ayega Leopoldstad awe mainta cu avion. E ora di su yegada tabata secreto, pero periodista y fotografman cu a calcula mas o menos qui ora esey por tabata, tabata presente huntu cu mas o menos binti otro persona. Mes oratabatin un bringamento entre representantenan di prensa cu a kibra e barricanan y cu a corre bai na e avion y

miembronan di polis di seguridad y militarnan, cu kier a tenenan atras. Tsjombe a baha for di e avion saludando y hariendo, pero den menos cu dies seconden el a drenta den un auto cu tabata para cla na trapi di e avion, cual a hibe residencia di e premier kongoles Cyrille Adoela.

Ta worde opina na Leopoldstad cu Tsjombe lo delibera cu e gobierno kongoles central tocante su posible participacion na gobierno nacional di reconciliacion cu a worde haci na Leopoldstad, lo por ta posibel tambe cu Tsjombe lo haya e puesto di minister president den un tal gobierno. Adoela y su colaboradornan ta haya obli-

ga, di acuerdo cu e estipulacionnan di un constitucion nobo, tocante cual dentro di dos siman lo tin un referendum den henter Kongo, pa forma un gobierno temporal.

Yudanza di Merca

WASHINGTON 27 Juni. - E comision die camara mericano di diputados pa ortogacion di placanana recomenda awe pa reduci e programa pa yudanza mericano na exterior cu 200.127.600 - E reduccion di mas chiqui cu nunca tabatin riba e yudanza ey. E reduccion aki di solamente 5.5 por ciento ta worde considera como un victoria exclusiva pa president Johnson.



Esaki ta e "BARRACUDA", creacion sensacional di CHRYSLER, cu por worde admira den Showroom di Viana Auto Supply, na fin dje siman aki. E "Barracuda" por ta un sportsear, un auto

di famia, un auto pa trabao, of pa cualkier uso cu bo ta desea. Dilanti e tin sientonan "Bucket-seat", patras sientonan cu ta dobla, pa duna espacio suficiente pa transportacion di cualkier cos.

Un auto cu tin acomodacion pa 5 pasahero y hopi equipaje. Con cu bo mire, di paden of pafor, bo ta descubri e sonjo di creador di productonan di Chrysler y naturalmente bo mes sonjo tambe. (I.M.).

TUR ESNAN CU TA INTERESA TA BONBINI NA E SHOWROOM DI

VIANA AUTO SUPPLY CO. LTD.

AWE, DIASABRA 27 DI JUNI FOR DI 3' OR P.M. PADILANTI PA ADMIRA E CREACION SENSACIONAL DI CHRYSLER CU SU MODELO "BARRACUDA".

OTRO FANTASTICO CONCURSO di SIGARIA ANTILLANA

- | | | |
|-------|---|---------|
| 1) | UN PROMER PREMIO DI | 500.00 |
| 2) | UN SEGUNDO PREMIO DI | 250.00 |
| 3) | UN TERCER PREMIO DI | 100.00 |
| 4/8) | 5 PREMIO DI CADA UN I CAJA DI RON SAN PABLO | 250.00 |
| 9/18) | 10 PREMIO DI CADA UN I JUEGO DI GLAS DI CRISTAL | 150.00 |
| 19/25 | 7 PREMIO CADA UN DI UN SORPRESA | 50.00 |
| | NA TUR 25 PREMIO CU UN TOTAL DI | 1300.00 |

Tur loko bo mester haci pa tuma parti den e concurso aki ta:

- 1) Cambia 5 paki bashi di sigaria Antillana, Caravana o Palm Beach pa un formulario.
- 2) Contestá e 2 preguntanan cu ta riba e formulario aki, skirbi bo nomber y direccion y entregele na Brionplein 4.

Concurso ta sera riba 23 di juli 1964. Tur formulario mester ta entregá promé cu 12.00 m. dia 22 di juli 1964.

Huma Antillana, Palm Beach y Caravana

sigaria di calidad cu ademas excelente sabor ta ofrecebo tambe oportunidad di gana placa.

MACNUTT DI LAGO:

(continuacion di pag 3)

a bisa ora cu e intermediador di IOWUA a duna palabra cu e tabata menos contento tocante di E.C.C.T. nobo e anochi anterior, como cu e tabatin miedo, cu e miembronan lo keda no satisfecho y malcontento cu e resultado. Pero despues cu diahuebs mainta el a mira e reaccion di e miembronan e tabata tranquil atrobe. "Pa tirando un bista atras ariba e lucha entre IOWUA y Lago senyor Maduro a muestra cu ora a worde dicidi pa pone un welga, esaki lo tabata un medida grandi di su directiva, pero segun el a sigui bisa nan tabata prepara pa esaki y e lo a bira un huelga general na Aruba cu apoyo di tur unionnan y di Fedepetrol na Venezuela. Henter Antillas lo a worde involvi den esaki, segun senyor Maduro. Senyor Maduro a hanja cu contracto tabata un exito.

Senyor Mac Nutt a muestra cu tabatin hopi diferencia di opinion durante di e deliberacionnan, hasta cu senyor Laan pero cu alfin toch un contracto bunita pa cada partida por a worde aregia. Kizas segun senyor Mac Nutt e empleadonan no ta contento na promer instancia como cu e contracto ta hopi social, pero esaki lo worde comprendi alfin alcabo y nan lo ta orgulloso di tin un contracto asina.

MINISTRO KROON

Ministro C. Kroon como ultimo orador a bisa di ta masha contento cu e resultado. Durante e tres anjanan venidero nos por conta cu tranquilidad di trabao na Lago. "Nos ta un pais desafortunado y esaki ta necesario pa henter Antillas. Senyor Laan a hanja su gradicimento pa e trabao bon cu el a haci.

487.5 millon dollar pa trabao di Euratom

BRUSSEL, 27 juni. - E conseho di minister di e comunidad Europeo pa energia atómico a suspender un decision tocante aumento di e problema di investigacion di Euratom te otro luna.

E comision di Euratom a entrega un presupuesto supletorio pa e segundo plan di cinco anja te na un suma di 38 millon dollar, door di cual e suma total lo bira 487.5 millon dollar. E aumento ta worde motiva cu aumento di sueldo y prijsnan for di dia cu e plan a worde traha.

Den e presupuesto propone tin un post tambe na bienestar di investigacion den e centro U-landes Petten, cu lo mester worde aumenta di 27.5 te 30 millon dollar.

ESTUDIANTENAN MERICANO A REGRESA HABANA ATROBE

Habana, -- UPI -- E 75 estudiantenan di Estados Unidos cu tabata bishitando Cuba a bolbe Habana diarazon anochi despues di un gira di tres dia door di e provincia Pinar del Rio, separa den diferente grupo, pa asina por mira mes tanto lugar. Na final di nan gira nan a reuni na e centro Turistico di Valle de Vinales pa

bolbe na e capital aki. Peter Lanz, un di e estudiantenan a declara: "E habitantenan di EE. UU mester blaha pa Cuba pa mira e progresonan agrícola di e isla aki, logra door di e revolucion triunfante." Despues el a agregá: "Loke nos a tende y mira durante di nos prome reunion cu e agricultornan di e pais aki, tabata un les pa nos tur. Esaki claramente ta splica pakico nos gobiernu ta oponer su mes asina fuerte contra di e viahenan pa Cuba, pa evita cu nos

ciudadanonan lo comproba kiko ta pasando aki."

Durante di dia diayera e Norteamericanonan a reuni cu hobenan di Angola y Sur Africa cu ta studia na Cuba, y a scucha un conferencia tocante di e lucha di nan pueblonan pa libertad.

Awe nan tabatin riba programa un reunion cu e mision permanente di e Frente de Liberacion Vietnames acreditada na e ciudad aki, y mañan nan lo tin un cu miembronan di "Fuerzas Armadas de Liberacion de Venezuela."

Jagan ta acusa Inglaterra

GEORGETOWN, 27 juni - Premier Cheddi Jagan di Guyana Ingles a acusa gobiernu Ingles den un comunicado, cu e tin miedo di un investigacion imparitadario di Nacionnan Uni, pasobra for di esey lo por resulta con considerable e intervencion di exterior den asuntunan interino di un pais y organizacion di un accion suversiva ta. Inglaterra a duna motibunan -

constitucional na su resistencia contra envio di un comision di investigacion, pero si gobiernu Ingles a interveni na cuminsamentu di aña pa cambia constitucion y limita autorisacion di e gobiernu local, anto e no a respeta e estatuto constitucional di Guyana, cu ta saca ventaha for di e gobernacion interior. Asina Jagan a bisa.

Comunicado di Johnson

WASHINGTON, 27 juni. - Na fin di e deliberacionnan, cu e premier Griego, Papandreu, tabatin na Washington cu president Johnson, un comunicado a worde publica. Den e comunidad e dos politiconan ta bisa, cu e deliberacion tabata util pa ambos.

Nan a combersa tocante asuntunan, cu ta relaciona cu Chipre y a expresa nan confianza den e intencionan di Nacionnan Uni pa recupera paz riba e isla. Segun e premier Griego mester basa un solucion duradera riba principionan democratico y hustu. Segun minister mericano di exterior, Nall lo atende awe cu Oe Thant e asunto Chipre den cuadro di deliberacion, cu president Johnson tabatin e siman aki prome cu premier Inonu y despues cu premier Papandreu respectivamente di Turkia y Grecia.

Na un mitin cu prensa e premier Griego a rechaza e posibilidad di deliberacion directa entre Turkia y Grecia tocante Chipre. Segun e premier Griego buscamiento di un solucion di e asunto ta awor aki un tarea exclusivamente pa Nacionnan Uni. El a acusa e Turconan di ta haci bida difícil pa e menora Griego na Constantinopel.

Segun e premier Griego e gobiernu Mericano no a expresa e deseo, pa e lidernan Griego y Turco reuni pa un deliberacion tocante Chipre. Gobiernu Mericano no a bini cu un plan concreto pa solucion di e crisis pero a expresa e deseo, cu na interes di paz mester un solucion duradera pronto.



Siv Aberg, Miss Sweden di e aña aki, aki ta bisti un trahe arabe y ta tratando di huma un pipa hookah. Miss Aberg tabata na Beirut, Lebanon, participando na e concurso di belleza pa Miss Europa y el a termina na di cuarto lugar.

AGENDA

ARUBAANSE COURANT
diariamente cu excepcion di diadomingo
subscripcion f. 3.25 pa luna
edicion los 20 ct.
edita pa:
N.V. ARUBAANSE DRUKKERIJ
- en UITGEVERS - en PUBLI-
CITEITS MIJ.
Imprimi na:
N.V. DRUKKERIJ
"DE STAD"
Telefoon 1116 Directiva y redac-
cion, 2116 Anuncio y subscrip-
cion.
Directeur hoofdredacteur:
D. Wolff.

**POR CUMPRAR ARUBAANSE
COURANT NA E SIGUENTE
LUGARNAN:**
NA ORANJESTAD:
BOEKHANDEL MARISKA,
PIET SODA FOUNTAIN,
REFRESQUERIA INGRID.

NA SAN NICOLAS
NICOLAAS STORE,
UNION STORE.

BOTICANAN DI WARDA

Oranjestad : Botica Aruba Tel:
1080-1081
San Nicolas: Botica San Lucas
Tel: 5119

DOKTERNAN NA WARDA

Oranjestad-Noord: Dr. C.v.d.
Bijl.
San Nicolas-Sta Cruz-Sav. Dr.
H. Keuls

ONE

De Veer: 8.30 p.m. " Palm
Springs Weekend" 18 j
Rialto: 8.00 p.m. "The Young
Racers" 14 j
Principal: 8.00 p.m. "The Hook"
18 j
Aurora: 7.30 p.m. "The 300 -
Spartans" all
Savaneta: 8.00 p.m. "The War
Lover" 18 j

Diadomingo:
De Veer: 6.00 p.m. "Delicate
Condition" all
8.30 p.m. "Palm Springs Ra-
8.30 p.m. "Palm Springs Week-
end" 18 j
Rialto: 5.30 p.m. "Papa's Deli-
cate Condition" all
8.00 p.m. "The Young Racers"
14 j
Principal: 6.00 p.m. "Munchhau-
sen in Afrika" all

8.00 p.m. "Sword of the Con-
queror" 18 j
Aurora: 5.00 p.m. "Don Dare-
devil Rides Again" all
7.30 p.m. "The 300 Spartans" all
Savaneta: 6.30 p.m. "The Son
of Spartacus" all
8.00 p.m. "Jumbo" all

TELEARUBA

5.30 Flash Gordon
6.00 Public Service
6.45 Paplamento Newscast Live
& Filmnews
7.30 Top Cat
7.45 Paplamento Sportnews
8.15 Hazel
8.45 Tight Rope
9.00 English Newscast Live &
Filmnews
10.00 Fight of the week
10.30 Star & Story

diadomingo
5.30 Serials
6.00 Sword of Freedom
6.30 Living Word
6.45 Paplamento Newscast Live
& Filmnews
7.30 Bat Masterson
7.45 Big Playback

8.15 Our Miss Brooks
8.45 Local Talent-Live
9.00 English Newscast Live &
Filmnews
10.00 Empire
10.30 The Whistler

RADIO VICTORIA

A.M.
6.00 Peticiones
6.15 E Bijbel Habri
6.30 Ultimas Noticias
6.45 Ecos Del Cielo
7.15 Bo Musica Favorito
7.45 Delicados Pastos
8.00 La Hora Bautista
8.30 Ultimas Noticias
8.45 Musica Di Banda
9.00 Noticias Español
9.15 Cristo Para Las Naciones
9.30 Morning Melodies
10.00 World News
10.10 The Bible For You
10.15 Hour Of Decision
10.45 Sacred Classics
11.00 Chapel Of The Air
11.15 Canticanan Di Evangelio
11.30 Melodias Di Merdia
PM
12.00 Ultimas Noticias
12.15 Musica Sagrada Y Medita-
cion
12.24 Thought For The Day
12.30 World News
12.45 Quiet Time
1.00 Radio Concert Hall
2.00 World Of Life
2.45 Radio Revival
3.15 World News Headlines
3.20 Ensueños Musicales
3.45 Musica Di Banda

4.00 Cafe Con Musica
4.15 Ultimas Noticias
4.30 E Ora Adventurosa
4.45 Noticias Español
5.00 Hubentud Pa Cristo
5.15 Palabranan Di Bida
5.30 Baptist Hour
6.00 World News
6.15 Issues In The News
6.45 Showers Of Blessing
7.00 Look Up And Beyond
7.15 Off The Record
7.30 Back To The Bible
8.00 Musical Gems
8.30 Nederlands Nieuws
8.45 Windows On Holland
9.00 Klassieke Muziek
10.00 Sign Off

Diadomingo
A.M.
7.00 Morning Melodies
7.15 Radio Bible Class
7.45 Grace And Truth
8.00 Message For The Hour
8.30 The Lutheran Hour
9.00 Christos Tot De Volkeren
Der Aarde Gebracht
9.15 Voor Zijn Glorie
9.30 Palabranan Di Bida
9.45 Cafe Con Musica
10.00 Luz Y Verdad
10.30 Ecos Del Cielo
11.00 La Hora Nazarena
11.15 Melodias Del Alma
11.30 La Voz Del Evangelio
11.45 Musica Sagrada

RADIO CARACAS TELEVISION

8.45 Senderos de luz
9.00 T.V. Educativa
10.30 Cosas de mujeres
11.15 El hogar y la moda
11.45 Novela
12.00 Noticias
12.05 Show de Renny
13.45 Se necesita una amiga
13.35 Cortos
14.00 Yo se lo vendo
14.30 Documental
15.00 Estudio de Hector Monte-
verde
15.30 Perfecta ama de casa
16.00 Mejias y sus muchachos
18.30 Papa lo sabe todo
19.00 El halcon negro
19.30 Detectives
20.00 Suspenso
21.00 Gran teatro
22.00 Boris Karloff
9.00 Buscando un nombre
9.30 Viviendo con Riley
10.00 Roy Rogers
10.30 El Circo
11.30 El capitán Marte
12.00 Sir Francis Drake
12.30 El show de Dandy
13.00 Torneo Hipico
18.00 Jefatura 87
19.00 Hong Kong
20.00 La hora N
21.00 Show de Renny



E GRAN KAPMENTO DI PRIJS NA
MANSUR TRADING
TA CONTINUANDO CU GANGA SIN IGUAL.
AKI TA SIGUI ALGUN EHEMPLO:
Sapato pa caballeros di f. 8.95 y 9.95
Blousa pa damas di 95 ct - Bistir pa
mucha muher di f. 1.95 y f. 2.95 -
Sapato pa damas awor solamente f. 5.95
te f. 7.95 - tela na yarda pa cortina, awor
95 ct pa yarda, figura di procelana etc. etc.

KLOMPEN KLUB

Ta presenta:
e famosa cantante
**Betty
Madigan**
for di 29 di Juni te cu 12 di Juli
Show ta cuminsa 9.30 p.m.
Klompes Club ta abrie di 7 - 2 p.m.
Reserva bo mesa na tempo jama: 2250
Servicio excelente.
Cushina primera clase.

CUMPLEANJOS

Dia 28 di Juli ta cumpli 36 anja
Bertha Wernet, hopi felicitacion
ta bini di su yunan Marcolino,
Flora, Linda, Mena, Vieta, Ina,
Rosa, Ceril, Mona, tata Herchie,
rumanan Nicolas, Julieta, Maria,
omo y tanta, primo y prima,
subrino y subrinanan, comer y
comper, suegra Catrien, espe-
cialmente di su lhanan Raymundo
Croes, y Frido Wernet, amiga
y amigonan y demas familia Fran-
ken, Wernet y Angela.

"DESTINO FAVORABLE" NOVELA

No. 2.

Ta kiko Kees a bisa? Ta é lo
a tende robes! "Mi no tin nada
di haci cu esey", Kees a grité.
"Mira con bo ta regla e asunto
ey! Nos afspraak no tabata asina,
apreciable dama! Abo ta kere cu
bo por mara tur hende cubo cara
innocente. Pero lo bo mester busca
un mas bobo cu mi." Jetta a sinti
manera e ta bay cay den un abis-
mo. Loke Kees ta bisa, no por
ta berdad. Toch nan ta stima o-
tro, Pasobra si no ta asina, di
con nan a admiti nan deseonan?
No, e ultimo minuutnan aki, mes-
ter ta un equivocacion terribel.
"Kees", el a cuminsa bisa poco
poco. "Bo a ofendemi hopi. Pero
mi sa, cu bo no kier meen di
berdad. Mi ta hurabo, cu ta nos
baby e ta. Nunca mi tabata rela-
cion cu un otro homber..." Spaar
bo mes e explicacion ey", Kees
a corre contestá rabia. "Lo mi
dunabo un direccion. Bo por bay
eynan. Nan lo yudabo". Emocio-

na Jetta a keda miré. Awor nunca
el a comprende Tur cos ta balla
dilanti su wowo. Peo no tabata
solamente pé, pero tambe pa su
jiu. E tabata dicidi pa bringa pé,
y laga e ofensa aki pasa, manera
nada. "Esey...ese y ta un crimi-
nen, Kees", el a contesta cu di-
ficultad. "Nos tabata stima otro,
bo kier a casa cu mi." "Mi
Dios, cuanto mucha muhé mi no
a jega di bisa cu mi ta stima. Nos
no a pasa un tempo maravilloso
junto? Di con bo mester tumé
mesora asina tragico?" Jetta
a sinti con su rabia ta creciendo
E homber aki, cu el a confia
clegamente" Ta con por ta posi-
bel? "Tuma", Jetta a grita y a
tira e placadilanti su planan. "E-
saki ta mi contestal Y somenta
awor. Mi ta despreciabo, mi no
kier mirabo mas!" Prome Kees
Brinkman a keda sorprendá. E no
a spera esey. Pakiko Jetta a bira

asina? Si tur cos tabata bon, nan
lo a pasa junto un tempo maravi-
lloso. E no tabata kier a perde
e mucha muhe atractivo aki asina
ihhe. Esta bunita Jetta tabata,
den su rabia. Pero e comedia
aki a cuminsa traha riba su ner-
vionan. "Bay pa casa", Jetta a
grité. "Librami di bo presencia
insoportable. Bo ta un bandido
miserable. Ta duel mi hopi, cu un
dia mi a jega di stimabo!" Ma-
nera un hende verdoof, Kees ta
para, despues el a buk pa coy e
papel di placa. Esaki si ta col-
mo! Saké porta afó, manera nada!
"Lo duel bo", Kees a contesta.
"Kees Brinkman no ta laga nan
ofendí sin castigo bek." Despues
e porta a worde sera na jabí.
Despues di pensa hopi, Jetta
a dicidi, pa laga su mama sa.
Ta ken mas por judé den e si-
tuacion desesperá aki? Sra. Roder
a bini. E ta sinti dilanti su unico
jiu muhé y ta keda miré crítico.
"Bo a pidimi pa bin, Jetta", el
a bisa cu reprocho? "Tin algu
particular ta pasando? Bo ta mus-
tra palido". Jetta a sinti un
frieuw den su curpa. Ta kiko el
a spera di e bishita di su mama.
Compresion?, of kizas hasta ayu-
do? E tabata sa, con frieuw e at-
mosfera tabata den cas di su ma-
ma. Pero pa su jiu lo e purba wan-
ta tur cos cu bini pé. "Mama,

ei a cuminsa bisa jorando, "mi
no sa kiko mi mester haci. No
lagami mi so. Pasobra mi no tin
ningun otro hende mas na mundo".
Roder a keda mira su jiu cu aten-
cion. "Bisami, tin algota pasan-
do cu bo?" ei a puntra skerpi.
"Foy ki tempo, bo ta haci asina
exaherá?" "Podonami", Jetta a
contesta. "Mi a traha un poco di
mas. Ta duel mi, cu mi a pidibo
bini akinan". "No ta nada, mi jiu"
Sra. Roder a bisa. "Toch mi mes-
ter a bin Berlin. Pasobra sino mi
no a bini. Bo mes sa cu papa no ta
gusta, cu su custumbernan di tur
dia worde stroba door di mi au-
sencia". "Sigur, mama, mi sae-
sey", Jetta a contesta zwak. Des-
pues el a recoge tur su forsanen
huntu y a puntra directamente:
Mama, kiko lo bo bisa, si mi.....
haya un baby?" Tabata reina un
quietud doloroso. Sra. Roder su
cara a cambia y el a keda sorpre-
sa y un poco rabia. "Esey ta un
chaso sin smaak, Jetta", el a
contesta. "Bo no mester puntra
tal pregunta nan. Nan ta imposi-
bel y absurdo." "Kier meen, cu
lo bo no comprendemi, mama",
Jetta a puntra desesperá. "Lobo
no trata yudari?" "No", tabata
e contesta sin compasion. "Mi
mester suplicabo fuertemente, pa
no molestiami cu semehante cos-
nan teribel. Bo a comprendemi,

Jetta? Okay, mi no kier keda ra-
bia cu bo Parce cu bo a traha un
poco duro di mas. Kizas bo mes-
ter tumu un poco sosiego, mi jiu.
E palabranan aki a zona masha
leeuw pa Jetta. El a duna su mama
un man, mientras el a realisá cu
esaki ta e ultimo biaha cu e lo mi-
ré. Hasta e porta aki lo worde ser-
rá definitivamente. "Mi ta spera
pa bo no pone nos cara na ber-
guensa", el a tende su mama ta bi-
sa.
xxx
"Srta. Roder, ta duel mi, pero bou
e circunstancianan actual, mp mo
por permiti pa bo sigui biba a-
kinan". E donjo die kamber cu
Jetta ta huur, abinpara man na zij
su dilanti, mientras Jetta ta leun
cansá contra e mesa. "Bo kier
meen cu mi mester muda?" tabata
e pregunta. "Mi Dios, mi no ta ke-
re cubo ta desea esey? Semper mi
a paga mi huur correcto". Jetta su
wowonan tristo a hacie senjora
haya duel di dje. "Wel, mi no ta un
hende malo, pero pabo keda cu bo
jiu akinan, no esey no ta posibel.
Bo por keda biba akiden te dia e
nace, pero despues bo mester sa-
li. Pakiko bo no ta hinca e mucha
den ungesticht? Eynan nan ta wor-
de bon cuidá, y bo por sigui traha
trankil". "Si, mi mester weyta
kiko pa haci cu e mucha", Jetta a
contesta. Atrobe futuro ta muestra
asina malo pé.
E ta sigui....

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo

MAXWELL HOUSE KOFFIE.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba,



BUCHI ROBEZ

Pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



PEPITA

with compliments of

OFICINA MARITIMA DE ARUBA

DOCUMENTATION & TRANSPORTATION FOR INCOMING, LOCAL & OUTGOING CARGOES BY AIR, SEA AND LAND



DICK TRACY

presenta pa cortesia di

VICTORIA BOTLING COMPANY

PEPSI-COLA --- SEVEN UP --- GRAPETTE - KIST -- VICTORIA SODA WATER --- BUFFALO ROCK --- GINGER ALE ---



Horoscopo personal

ARIES-21 di maart - 20 di april Un bon memoria por salba e dia aki. Aprovecha bo experiencia pasá.

TAURO-21 di april -21 di mei Esaki ta un dia den cual e cosnan di interes espiritual ta adquiri un importancia nobo.

GEMINIS-22 di mei - 21 di juni- Percura di alcanza bo meta e dia aki, pero si bo no por no sea impaciente. Talves lo bo logra esaki mañan.

CANCER-22 di juni -23 di juli E secreto di e exito di e dia aki ta di a planea e cosnan bonayera. Sigí den e bon caminda.

LEO-24 di juli - 23 di augustus- Percura di yuda e personanan cu tin mester. Algun dia lo bo worde recompensa pa esaki.

VIRGO-24 di augustus-23 di september -Combina bo inteligencia natural cu e provision, anto e cosnan lo sali bon.

LIBRA-24 di september -23 di october -Esaki ta un diasabra cu bo por confundi o diberti. Lo bo mira e diferencia den e forma cu e emergencianan menor ta.

ESCORPION-24 di october -23 di november -Escohe bo actividadnan bon. Acepta solamente esnan cu no ta interferi den bo debernan.

SAGITARIO-23 di november -22 di december -Percura di ta bon pa bo empleadonan. Solamente di e manera aki bo por obtene nan sincera colaboracion.

CAPRICORNIO-23 di december-20 di januari -E clave di tin exito y bon amigunan ta di muestra energia y astucia.

ACUARIO-21 di januari - 19 di februari -Si bo ta desea di aclara e cosnan, bo mester muestra bon tacto y pasenchi, y di e manera aki lo bo no hanja enemigo.

PISCIS-20 di februari -20 di maart -Piscis cu ta dispuesto pa critica lo ta mihor si e mira su mes bon den spiel.

INVESTIGACION DI EXPLOSION NA SANTO DOMINGO

Santo Domingo, -- UPI -- E comision interamericano di seguridad di e Organizacion di Estadonan Americano (OEA), lo continua investigando e origen di e explosionnan cu a tuma lugar dia diesun di e luna aki na e campamento militar "27 de Febrero."

E comision diamars a termina su entrevistanan cu tur e autoridades alto Dominicanas. E presidente di e comision, Doctor Carlos Angulo Rueda, di Colombia a informa na prensa cu e comision pa fin di siman lo bolbe Washington, for di unda nan lo manda pa gobierno Dominicano un informe tocante di e informacionnan solicita door di OEA. Tambe e comision lo tin di informa si el a obtene informacionnan preciso tocante di e complicidad di e regimen Cubano den e explosionnan.

Diarason e comision a ricibi bishita di un delegacion di dirigentenan sindical, cual a duna e seguransa di cu na Santo Domingo nan ta violando "tur derecho humano," afirmando un di e dirigentenan cu e tabata preso durante 64 dia.